



UKA 2018/191
11. oktober 2018
Bentiaraq Ottosen

Uunga siunnersuut: Akissarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, ulloq xx.xxx 2018-imeersoq (Aningaasaqarnermut Naalakkersuisoq)

(Aningaasaqarnermut Naalakkersuisoq)

Pinngortitaq aqussinnaanngilarput, aqussinnaavarpulli inatsisinik naleqqussaaneq. Sumiluunniit nunatsinni inuusutissarsiuteqartut imminut napatinnissartik anguniartarpaat, kiffaanngissuseq nukiuvoq inuup inuuneranik ataqqinaataasoq.

Atassumiit isumaqarpugut umiatsiaararsorlutik akuerisamik ingerlatsisuusut akornanni nalikilliliinermi namminneq iluaqutigisinnaasaat naapertorlugit pitsaasumik sinaakkusersorneqarnissaat, aalisartut aammalu imaani takornariaqarnikkut inuusutissarsiuteqartut ukiup naatsorsuutaasa naanerani nalikilliliisarnermut pineqartumut aquuteralammik annaasaqarsimatillugit ukiup ataatsip iluinnaani aaqqiissuteqartarnissaq pillugu Naalakkersuisut siunnersuutaat Atassummit taperseratsigu.

Aalisarnermut imaanilu takornariaqarnikkut inuusutissarsiuteqartuusut unittuunginnissaat anguniarlugu siunnersuut Naalakkersuisuni suliaavoq, taamaattumik ukiup naatsorsuuseriffik naannera naapertorlugu tamanna siunnersuut inatsisissatut allannguutissaanut ilaavoq.

Tapiissuteqarsinnaatitaanneq pisortanit kikkunnulluuniit eqquinginnissaa pinerullugu, malittarisassat assigalugit inuusutissarsiuteqartuusut imaani siunertamut ataatsimut naleqqussarnissaat naatsorsuutigaarput, qularutiginngilarpulli tamanna akileraaruserneqassanngitsut tassami akileraaruserneqassappata tamanna siunnersuummut akerliussammat.

Takornarialerinermi aamma aalisarnikkut inuusutissarsiuteqartut sapinngisamik siunnersuummut akerliunngitsumik siunertaqarnissaq pillugu pingaaruteqaqaaq, taamaattumik Atassummit politikkeriuarsimasarput imminut napatinneq pingaaruteqarluinnarpoq. Ineriartorneq annerulersinniarlugu inuusutissarsiuteqartuusut aamma sapinngisamik aatsaat aallartisartut piaarnerpaamik aallartisartillugit periuseqarnissaq pingaaruteqaqimmat Atassummit isumaqataaffigaarput.

Taamatut oqarlunga, Atassummiit siunnersuut taperserparput aningaasaqarnermut ataatsimiisitaliami suliarineqarnissaa innersuupparput.